

四庫全書

史部

欽定四庫全書

欽定八旗通志卷一百八十七

人物志六十七

大臣傳五十三

蒙古正白旗下
扎爾 夢麟

旺扎爾 蒙古正紅旗

納穆

格圖

袁楚克固英

蒙古鑲白旗

綽拜

阿

爾沙瑚

沙理布

蒙古鑲紅旗

弼喇什

阿

敏道

旺扎爾

子博靈阿

旺扎爾蒙古正白旗人姓圖伯特父拉錫官領侍

衛內大臣以盡心職守給騎都尉無一雲騎尉世職有傳旺扎爾於雍正六年由廕生授三等侍衛擢

御前二等侍衛十二年襲其父拉錫世職十三年授鑲藍旗滿洲副都統乾隆元年以扈從失儀議革職

命在三等侍衛上行走三年正月噶爾丹策凌遣使求北路副將軍策凌轉奏喀爾喀與厄魯特以阿勒台山為界

上以其詞恭順

命旺扎爾偕侍郎阿克敦台吉額默根齋

勅往諭議定地界十二月旺扎爾率來使哈柳自準噶爾回京奏噶爾丹策凌遵

旨定界狀

上允其進藏煎茶並貿易

欽派大臣與哈柳議行詳阿克敦傳四年遷頭等侍衛

八月授正黃旗滿洲副都統十一月

命往蘇州同總督郝玉麟會審織造海保貪縱各款得
實論罪如律五年閏五月

命查審喜峯口管理臺站員外郎班第永昌交代受賄
隱匿狀鞫實議罪如律八月奏言殺虎口等處臺
站原為接遞喀爾喀衆蒙古事件而設甚關緊要
因無大員兼管致馬匹疲瘦缺額請將殺虎口臺
站令綏遠城將軍轄古北口獨石口令提督轄喜
峯口令熱河副都統轄䟽下軍機大臣議行十一

月巡察寶坻八城官兵六年五月署正黃旗護軍
統領六月左都御史劉吳龍疏叅浙江巡撫盧焯
受賄營私各款

上命旺扎爾會同閩浙總督宗室德沛查審得實焯擬
絞餘論罪有差七年二月署鑲紅旗護軍統領六
月以獨石口張家口等處多盜

命旺扎爾前往督緝分查界址酌立章程八年二月授
鑲白旗滿洲都統六月授嚮導統領旋授理藩院右

侍郎九年兼管火器營事十一年兼管武備院事

十三年擢

御前大臣暫攝鑾儀衛事

詔赴金川軍營查閱沿途驛站

諭曰旺扎爾抵營應在經畧大學士傅恒抵營後四五

日其時一切布置大局已定碉卡路徑著領旺扎爾

隨便閱看此際滿兵有交鋒克捷之事亦令目覩一

二次經畧大學士抵營宣布恩諭賞賚兵丁軍心如

何奮勉傳爾丹等情形何似旺扎爾還朝俱可面陳
朕得備悉軍營大槩尋回京奏劾山西境內惟腰站
有馬數匹尚未設定軍臺亦無馬匹呈驗聞道負
葛爾福在平定州及過彼處並未謀面大站馬匹
均疲瘦不堪平陽府衝途既無馬匹亦未見該守
令等奉

旨切責巡撫阿里衮並議處葛爾福等十四年金川番
酋乞降奉

旨議叙尋晉領侍衛內大臣十五年總管

圓明園八旗官兵及上駟院健銳營事十七年御史周燾密奏通倉米石虧缺

上命旺扎爾同協辦大學士吏部尚書梁詩正刑部尚書劉統勲盤驗尋疏劾中西二倉米虧請將監督革審南倉米數無虧惟贏餘米石不歸本廠請將監督察議再臣查過各廠因盤驗數目不符復詳加丈量但丈量之法較之盤驗米數相懸約皆一

二百石若以此為準米少丈多即信為多則有關
倉儲米多丈少即信為少亦難定監督情罪之輕
重現值闕放俸米請交戶部將丈過厰座開支可
得虧缺實數並請派大臣監放以杜那移掩飾之
弊倉場侍郎漫無覺察請交部察議從之二十七
年轉理藩院左侍郎尋卒

諭曰旺扎爾內廷行走宣力多年今聞溘逝深為憫惻
加恩賞銀二千兩辦理喪事著綿德阿哥帶侍衛十

人往奠茶酒應得卹典察例具奏尋

賜祭奠如例謚恪慎子博靈阿乾隆二十七年襲世職

授三等侍衛三十六年擢

御前頭等侍衛署鑲黃旗蒙古副都統尋授正藍旗蒙

古副都統三十七年二月隨征金川八月大兵由

墨壘溝進攻甲爾木乘夜霧奪石卡甚多扼賊來

路博靈阿在事有功十二月授領隊大臣三十八

年正月大兵攻納圍山梁博靈阿同和隆武由東

溝進攻與賊相持會侍衛綏庫等由納圍納扎木
中間小路進兵賊出碉抵拒博靈阿與綏庫合兵
擊斃賊人甚衆三月隨大兵分攻當噶爾拉博靈
阿力撲賊碉頗受鎗傷尋卒事

聞

諭曰副都統博靈阿自派往軍營頗加奮勉今因傷亡
故情殊可憫念伊父子俱屬出力著將伊兄子內選
擇一人繼博靈阿為子仍加恩贈都統銜尋

賞卹如陣亡例議給騎都尉加一雲騎尉并原有之世職為一等輕車都尉以嗣子濟魯穆圖襲金川平命圖形

紫光閣贊曰由納圖前擊當噶拉禦賊鏖戰英風颯沓摧礪越險因傷殞生不忝祖父晉職加旌

納穆扎爾

納穆扎爾蒙古正白旗人姓圖伯特父拉錫官領侍衛內大臣有傳納穆扎爾初由閒散授藍翎

侍衛游授頭等侍衛乾隆十年六月授正白旗滿洲副都統十二月調鑲藍旗十三年九月署總管內務府大臣尋遷戶部侍郎十五年調工部時西藏郡王珠爾墨特納木扎勒謀叛伏誅

詔納穆扎爾偕都統班第往駐藏十六年三月奏言藏中增噶卜倫辦事現充噶卜倫者一係公爵餘俱扎薩克台吉今增設之員請並給扎薩克銜以符體制從之尋

命增設卡倫兵十一月奏自喀喇烏蘇至那克桑喀勒
占庫車等處增臺八飭扎薩克台吉等巡察十七
年正月又奏準噶爾通藏隘口係阿里那克桑騰
格里淖爾阿哈雅克四路現俱設卡倫嚴防從前
準夷犯藏係繞勒底雅路而入此路現亦派兵防
守報

間十九年

命赴北路軍營管理新降杜爾伯特及輝特和碩特等

游牧二十年三月奏言厄魯特人赴京領俸餉值
夏令恐不耐炎暑請加體恤

命副都統多爾濟運應支俸餉至張家口給之四月以
輝特和碩特生計維艱奏給糧畜接濟

上允所請五月同喀爾喀親王得親扎布由塔密爾安
置輝特和碩特十三旗人於固爾班舒魯克都爾
伯特十旗人於鄂爾海西喇烏蘇分界駐牧設卡
倫防範六月都爾伯特遭霜雪傷畜奏給口糧

賜米五百石賑之時將軍班第奏輝特降首阿睦爾撒
納謀據準噶爾狀

命納穆扎爾偕叅贊大臣阿蘭泰等駐防烏里雅蘇台
十月調戶部侍郎二十一年六月奏言伊克明安
台吉德濟特同逆賊阿睦爾撒納叛遁請以其屬
分給輝特不從叛之扎薩克阿卜達什等及喀爾
喀又言和托輝特郡王青滾雜卜自軍營叛遁臣
恐衆喀爾喀被煽徧諭所部示以利害

上獎之尋授叅贊大臣赴將軍成衮扎布營領索倫兵
追剿青滾雜卜十一月擒之于杭哈將噶斯

諭曰納穆扎爾帶兵追擒一聞逆賊所在疾馳前進立
為掩獲甚為勇往出力着加恩封一等伯

賜號勤襄十二月

命赴喀爾喀車臣汗部查緝齊木齊格特人之肆竊者
尋于呼倫貝爾之西墨爾根哈瑪爾俱就擒

上嘉其功下部議叙二十二年二月授工部尚書兼鑲

紅旗滿洲都統四月

命仍赴北路駐科布多辦事五月移駐布延圖十月署
定邊左副將軍二十三年二月奏言烏梁海部衆
歸誠其酋察達克等授內大臣散秩大臣諸職所
屬鄂拓克內有得木齊收楞額辦理庶務請將得
木齊改佐領收楞額改驍騎校給頂帶歲貢貂皮
送烏里雅蘇台以

恩賞緞布給之三月納穆扎爾回京六月

命赴西路軍營授叅贊大臣署將軍印務七月授靖逆將軍由庫車會剿回苗霍集占等九月阿克蘇城

歸附

詔納穆扎爾同叅贊大臣三泰往會定邊將軍兆惠軍兆惠遣副都統愛隆阿侍衛奎瑪岱以兵來迎納穆扎爾路遣愛隆阿先還而自與三泰奎瑪岱乘夜進騎兵僅二百餘遇賊三千被圍力戰矢盡死之三泰奎瑪岱俱歿于陣事

間

諭曰靖逆將軍納穆扎爾叅贊大臣三泰巴圖魯侍衛
奎瑪岱奉命前赴軍營輕裝進發所領兵丁僅二百
餘人設令先到大營固可會同進剿即後至一二日
亦與愛隆阿一同駐守乃星夜趲行之時適遇賊衆
猖獗伊等並不肯于中途退避自全惟知直前衝擊
以致授命捐軀忠毅之氣深可嘉憫納穆扎爾著贈
公爵三泰贈子爵俱世襲罔替奎瑪岱照奇徹布例

賞給世職應得卹典仍著該部察例具奏尋

賜祭葬如例謚武毅入祀昭忠祠贈三等義烈公以子

保寧襲二十四年回部平

上追悼納穆扎爾及三泰為國盡節與前西藏殉節之
都統傳清左都御史拉布敦伊犁殉節之將軍班
第叅贊大臣鄂容安比烈

御製雙義詩紀其事

詩曰雙忠昔集事雙烈能忘身茲作雙義詩其故得細

陳曰納穆扎爾曾贊北路軍奮勇翦逆賊封伯酬其
勲副都統三泰英氣頗超人均御前侍衛素悉厥忠
純兆惠富德輩從戎久効勤欲代俾將母二臣被選
掄去歲黑水役固守遺索倫致信愛隆阿權退催後
援可支百日間速進莫遠巡將軍及泰贊輕進徒俱
焚當待師並來何慮狂狙獯爾時二臣者馳驛往軍
門過愛隆阿營却近黑水濱所遣人未遇礮聲前忽
聞知賊與我戰聞戰恥退奔徒攜百餘騎赴義命同

捐凶信驛遞來痛淚傷心魂使早知拒守退俟熊羆
羣同進可樹功何致均沉淪即先至一日合兆患軍
屯亦可旋今歲奚煩以身殉不前復不後此實若有
神富德自和闐重至黑水津葉爾奇木降諸事粗處
分痛念我將士沙場化為燐黃頭雖不脩掩骼權為
墳猿鶴昔屬幻邱隴今可循因以此事奏西望揮淚
頻豐碑旌墓門千秋西海垠捐軀固臣節在爾非所
論在予則何忍此恨終當伸夷考六人跡事異心同

均與國休戚共寧止曰蓋臣史筆多訛傳永言傳其
真尋

命圖形

紫光閣

御製贊曰我懷賢勞命將往代正值黑水猖獗鼠革以
二百衆陷萬賊中因緣徇節勇濟以忠長子保寧嚴
公爵官伊犁將軍第三子保泰官察哈爾都統駐
藏辦事

夢麟

夢麟蒙古正白旗人姓西魯特乾隆十年進士改庶吉士散館授檢討十五年三月充

日講起居注官五月遷侍講充廣西鄉試副考官七月遷祭酒九月授督河南學政十六年授內閣學士十七年六月湖北奸民馬朝柱據羅田縣之天堂寨謀不軌聞捕散匿夢麟以河南商城縣界連羅田親往查拿

上嘉之七月丁憂十一月疏言商城界江楚峻嶺深巖
奸匪易藏原設把總不足防守請酌撥守備增兵
巡哨

勅下河南巡撫議准撥襄城營守備一兵百移駐歸汝
寧營轄十八年二月署戶部侍郎六月充江南鄉
試正考官九月提督江蘇學政二十年五月授工
部侍郎回京十月署兵部十二月兼蒙古鑲白旗
副都統二十一年在軍機處學習行走二十二年

河督白鍾山奏請開浚荊山橋河

命夢麟馳勘即速興工三月

諭曰自去年孫家集奪溜荊山橋一帶淤沙為患不細
今夢麟與白鍾山等疏浚並施乃得剋期成功甚屬
可嘉文部議叙尋議加一級時

上南巡閱視河工以六塘河以下積潦桃宿諸縣窪地
成巨浸分派夢麟率道廳等勘辦尋奏六塘河上
承駱馬湖水至清河以下分為兩派由武障義澤

等河入潮河歸海長三百餘里間淤數十處致水
停積已委募急挑南北兩堰及去年水壞宿遷堰
工並各處缺口俱加脩築宿遷挑源清河等縣積
水酌開溝十五設涵洞五建閘四以資宣洩疏入報
聞六月奏荆山橋善後事宜四條一銅沛廳北岸丁家樓
漫灘黃水匯入蘇家閘直衝荆山橋河身淤墊
最易令河負築壩填堵一荆山橋河道在洞沛邳
睢境者分四汛歸河務同知專管飭州縣協辦一

自微山湖口至荆山橋下游之王母山紆長灣曲
灘嘴更多每歲霜降後䟽掘一嚴禁居民于灣處
圍築堰壩捕魚渡口接築馬頭阻塞河路得

旨如所議行先是山東巡撫鶴年奏金鄉等縣水患

命侍郎裘曰脩偕夢麟往來相度辦理至是合䟽言金
鄉魚臺濟寧久為微山湖水淹浸當籌分洩之路
韓庄閘南有伊家河至江南梁旺城入運久經淤
塞今議開濬俾積水乘勢東注消涸自易從之七

月兩江總督尹繼善奏沂水散漫入運為沛邑害
又奏湖口閘應行事宜夢麟奉

旨與在工諸臣分任責成九月合奏淮徐水患頻仍必
原委並治支幹兼脩庶可甦積困而收實效山東
江南接壤諸湖已相機辦理惟沂河自盧口旁洩
沒民田阻運河當築壩堵截使不得入運湖流可
全力下注此籌酌沂水不礙微山等湖入河歸海
之情形也六塘河在駱馬湖下游為洩沂水要道

北岸宿遷陵溝地方有水口桃源有港河俱注沭
陽縣之沭河入連河歸海並加濬分路宣通六塘
河歸海口門間有淺阻亦為䟽治此籌酌六塘河
分濬沂水入海之情形也河南夏邑永城等縣水
由睢河下注江南洪澤湖出清口會黃入海近年
河道多淤董家溝等處尤宜急濬至各水既歸洪
澤出口務須通暢查清口束水二壩業遵

旨拆卸其各閘收束時口門亦酌量加寬此籌酌睢河

入湖並湖水入海之情形也以上皆先興舉其餘
因地制宜逐一經理得

旨覽奏頗得要領宜和衷共濟不可草率塞責是月調
戶部侍郎十二月各工先後告竣議叙加二級二
十三年四月調工部七月署翰林院掌院學士八
月卒

賜奠祭如例

恩格圖

恩格圖科爾沁蒙古人世居哈達

太祖高皇帝時挈家來歸隸正紅旗授佐領與叅領阿岱
駐伊蘭布里庫防游牧蒙古率十人巡徼海濱遇
敵百人追斬幾盡聞明兵千餘犯海州率兵三百
馳擊敗之天聰三年從

太宗文皇帝征明北京明總兵滿桂等赴援恩格圖首先
奮擊斬獲有功尋攻遵化破山嶺敵營入大安口
皆先衆軍力戰叙功授三等輕車都尉世職擢兵

部承政考滿晉職二等尋授本旗蒙古都統崇德
元年隨武英郡王阿濟格征明同阿岱等分率甲
士設伏明三屯營守備率兵來探伏發圍之盡殲
焉又與都統譚泰等征朝鮮監雲梯登城朝鮮兵
潰走盡收其牲畜貨賄以歸先是隨武英郡王征
明戰松山正藍正白鑲白三旗營汎錯亂恩格圖
隱匿不舉及還師又不俟後隊齊至先行出邊猝
遇敵兵戰敗遁走至是論罪罰鍰奪其俘獲明年

又議征朝鮮時恩格圖在軍營方食奉

召不即赴且約束不嚴致廝卒妄行為朝鮮兵所殺論鞭

百

詔免之罰贖以懲三年隨貝勒岳託征明密雲距牆子嶺
五里恩格圖率兵先諸軍越高峯入邊破敵五年
隨鄭親王濟爾哈朗等圍錦州松山城松山兵夜
襲我營恩格圖率本旗兵敗之六年從

上征明明總督洪承疇合軍十三萬赴援松山

上分遣諸將受

方畧令恩格圖與前鋒統領武拜進擊之及諸軍並進恩

格圖詐言未奉

上命不至期會之地將戰猶披氍毹而坐遇敵不前既旋師

論罪應褫職仍輸罰鍰得

旨寬免罰如律部臣又論攻明錦州時明兵出犯鑲黃旗

汎貝子尼堪失察我兵之未戰者恩格圖坐徇情

附和議罰

上以諸王貝勒及大臣等久駐錦州素著勞績凡罪概予寬宥恩格圖亦免議旋

命更番駐守松山順治元年隨睿親王多爾袞入山海關
敗流賊李自成二年叙功晉一等輕車都尉無一
雲騎尉復隨豫親王多鐸破流賊于潼關賊夜犯
正黃旗營恩格圖率兵往援俘斬甚衆師旋賊分
兵躡我後恩格圖殿四戰皆捷進征江南敗明將
鄭鴻逵于瓜洲隨端重親王博洛下浙江至錢塘

大破敵衆獲舟三十五旋攻克嘉興府與都統瑪喇希圍崑山縣城內敵兵迎戰恩格圖連擊敗之遂取其城三年晉爵三等男隨征福建同都統漢岱招降一府五縣又同副都統鄂羅色臣招降一府八縣遣兵助大軍擊敗偽帥吳凱兵攻克賊衆萬餘於分水關進勦海賊七千於南靖縣皆有功四年晉二等男尋晉一等五年征叛鎮金聲桓卒子軍子鄂爾濟圖尚幼以兄子克什圖襲爵遇

恩詔晉三等子十八年分授克什圖騎都尉職

命鄂爾濟圖襲一等男

袞楚克固英

袞楚克固英姓和勒依忒初為察哈爾宰桑

太宗文皇帝天聰六年察哈爾林丹汗聞我軍往征竄奔
土默特部其舊部人衆相繼潰散八年

上征明大同凱旋出尚方堡二十里駐營袞楚克固英率
二百餘人同察哈爾宰桑德伸濟旺等來歸分隸

八旗哀楚克固英隸正紅旗蒙古任叅領崇德元
年五月予一等男爵二年七月緣事降一等輕車
都尉三年隨貝勒岳託征明由牆子嶺入邊駐營
明兵自密雲來犯將薄我營哀楚克固英偕衆卻
避論罪應黜革籍沒

上念其率衆投誠功免罪止籍其牲畜分給察喀爾大臣
六年大軍圍明錦州明總督洪承疇率衆赴援自
松山迎戰哀楚克固英整兵破敵陣尋敵騎突犯

鑲紅旗汎地哀楚克固英同副都統察哈爾模海
拏邵之八年九月隨鄭親王濟爾哈朗征明寧遠
連敗敵馬步兵順治元年大軍入山海關拏流賊
李自成哀楚克固英與都統恩格圖合兵奮戰敗
賊二年叙功晉三等男三年隨肅親王豪格征流
賊張獻忠屢戰克捷六年隨英親王阿濟格討大
同叛鎮姜瓖師薄城賊出犯土默特營哀楚克固
英趨援力戰中流矢沒於陣

賜卹如例晉爵二等男世襲罔替以其子垂本襲

綽拜

綽拜姓巴林世居葉赫

太祖高皇帝時來歸隸鑲白旗蒙古尋管佐領事

太宗文皇帝天聰八年以克副任使予騎都尉世職九年

隨護軍統領烏巴海征瓦爾喀部深入額赫庫倫

及額埒岳索地俘獲甚衆晉世職為三等輕車都

尉崇德三年兼任戶部理事官是年隨睿親王多

爾袞征明由青山口入邊屢擊敗敵衆越燕京畧
山東直抵濟南敵騎千餘拒戰綽拜與都統和洛
輝先衆奮擊遂克其城七年隨肅親王豪格圍明
總督洪承疇於松山承疇遣兵乘夜越壕犯鑲黃
旗營綽拜擊卻之並墮壕殲殪無算八年考滿晉二
等輕車都尉順治元年隨大軍入山海關敗流賊
李自成二年叙功晉一等輕車都尉四年考滿加
一雲騎尉五年授叅領隨征南大將軍譚泰討江

西叛鎮金聲桓克復饒州南昌凱旋

賚白金千兩馬四十匹七年任倉場侍郎八年二月授鑲
白旗蒙古副都統三月兼工部侍郎五月遷本旗
都統三遇

恩詔晉爵至一等男九年八月以疾解任十二月卒

賜祭葬如例子奇默格圖襲職

阿爾沙瑚 兄子果勒沁

阿爾沙瑚姓幹三初為察哈爾林丹汗護衛天聰

六年

太宗文皇帝征察哈爾林丹汗竄奔唐古特阿爾沙瑚率
所屬四十餘戶渡哈屯河來歸隸蒙古鑲白旗予
三等輕車都尉世職崇德三年十月隨貝勒岳託
征明由牆子嶺入邊屢敗敵衆勝至山東攻克濟
南等城明年三月師還出邊擊敗太平寨敵兵五
年同前鋒統領席特庫征索倫部斬獲甚衆生擒
部長博木博果爾及其妻子六年大兵圍明錦州

有松山馬兵刼我紅衣礮阿爾沙瑚力戰却之又
敗明總督洪承疇三營步兵論功晉世職一等輕
車都尉八年卒以兄子果勒沁襲果勒沁初任佐領
崇德元年從

上征朝鮮偕侍衛二十人敗敵兵於桃山村順治元年隨
睿親王多爾袞入山海關擊敗流賊李自成叙功
加一雲騎尉尋授護軍叅領五年擢鑲白旗蒙古
副都統屢遇

恩詔晉爵至二等男十七年擢本旗都統時明桂王朱由
榔竄緬甸李定國白文選分據孟艮木邦假擁戴
由榔為名復集潰衆出掠

上命內大臣公愛星阿為定西將軍率師會平西王吳三
桂往征而以果勒沁及都統卓羅遜塔副之且

敕諭愛星阿凡軍中機宜皆與果勒沁會議而行十八年

九月果勒沁隨愛星阿至大理秣馬逾月出騰越
取道南甸隴川猛卯十一月師次木邦偵知定國

走景線而文選遁據錫箔江愛星阿令果勒沁及
遜塔護軍統領畢力克圖斐雅斯哈前鋒統領伯
勒赫圖等簡精銳疾馳三百餘里至江濱文選已
毀橋遁走茶山總兵官馬寧追至猛養文選窮蹙
歸降大軍次舊挽坡緬人以由榔獻乃旋軍康熙
三年叙功晉爵一等男無一雲騎尉尋列議政大
臣八年調本旗滿洲都統九年二月卒

賜祭葬如典禮謚襄敏子鄂爾輝散爵

沙理布

沙理布姓博爾濟吉特

太宗文皇帝崇德二年自察哈爾率丁壯百餘來歸使轄
之為佐領隸鑲白旗蒙古尋授一等侍衛任叅領
順治五年擢鑲白旗蒙古副都統九年遷本旗都
統遇

恩詔予雲騎尉世職時明桂王朱由榔將李定國劉文秀
盧明臣馮雙禮等侵掠湖廣十年十二月沙理布

奉

命同寧南大將軍辰泰統兵鎮守湖南十二年文秀明臣
雙禮等以衆數萬分犯岳州武昌沙理布同護軍
統領蘇克薩哈設伏邀擊大敗之文秀等復犯常
德戰船千餘蔽江而下沙理布指揮軍士截擊六
戰皆捷縱火焚其船斬獲無算明臣赴水死雙禮
被創遁文秀走桃源沙理布與護軍統領都爾德
等協力追勦文秀竄貴州十五年隨信郡王多尼

征雲南由榔與定國敗竄永昌十六年四月我師
克永昌渡潞江定國據磨盤山拒戰我前鋒統領
白爾赫圖等領衆敗之破其木柵斬其將竇名望
沙理布乘勝先驅遇賊伏力戰歿於陣十七年二
月喪還

遣官致奠

賜祭葬如典禮謚襄壯晉騎都尉世職子伊勒篤襲後以
襲次滿停襲乾隆十五年

詔核八旗世職之以死事卹叙而襲次已滿者

特予恩騎尉世襲罔替復以沙理布之曾孫德明襲

弼喇什

弼喇什蒙古喀喇沁人姓博爾濟吉特初為其部

台吉

太宗文皇帝天聰二年二月弼喇什從其父貝勒布延懇

請歸附八月

上統大軍往征察哈爾

召蒙古諸部各領所屬人衆以從于是

駐營綽囉郭勒弼喇什隨其汗拉斯喀布率部衆來朝貢

財幣駝馬

上悉却之

賜宴并甲冑遂從

上擊敗察哈爾部衆於錫爾哈錫伯圖俘獲甚衆尋隨貝

勒岳託往征棟奎與叅領薩木什喀佐領布顏護

軍校博爾輝等奮勇力戰追斬蒙古拜思噶勒扎

穆等百餘人尋率所部人戶之在喀喇沁者來歸
隸蒙古鑲紅旗尚多羅郡王旋

命貝勒代善贍養之九年弼喇什以貧乏入奏

上加恩賚予而以不能愛養遠人

諭責貝勒烏崇德元年叙功予三等子爵世祿罔替三年

奉

敕往明張家口宣

諭互市六年復奉

命如初時諸王大臣各遣其屬隨往互市有郡王阿達禮
屬下和託者盜禮親王代善白金三百守者執之
以告弼喇什付從者監視和託遁去弼喇什以防
守疏忽論罰如例順治三年弼喇什隨豫親王多
鐸往追叛逃蒙古騰機斯等於喀爾喀道卒子多
爾濟鼐後遇

恩詔晉爵二等子

阿敏道

阿敏道蒙古鑲紅旗人姓圖爾格斯世居察哈爾
父阿吉斯官員外郎康熙三十五年隨西路大軍
剿噶爾丹以糧運不繼士苦飢阿吉斯言於衆曰
我等官兵世受

國恩甘斃道路誓圖竭力前進衆皆諾及擊敗噶爾
丹於昭莫多凱旋奉

旨嘉獎交部議叙給雲騎尉世職卒阿敏道龍雍正三年
授三等侍衛四年授二等侍衛九年四月率巴爾

呼兵百由固爾班賽堪赴巴里坤軍營十一月復
命偕侍讀學士查克丹調喀爾喀兵三千率之往尋偕護
軍統領費雅思哈赴烏爾輝音扎罕練兵乾隆元
年以準噶爾乞和撤大軍阿敏道還京三年授鑲
藍旗察哈爾總管十九年二月率察哈爾兵隨大
軍收烏梁海十二月加副都統銜二十年正月遷
所獲包沁人等于齊拉罕五月大軍定伊犁定北
將軍班第奏派管理臺站八月逆賊阿睦爾撒納

叛阿巴噶斯哈丹附逆肆掠臺站衝斷阿敏道輒
續以兵會定西將軍永常自木壘退駐烏爾圖布
拉克撤阿敏道還事

間革永常職以策楞代之

詔阿敏道率精騎馳赴伊犁領班第信策楞等未即
遣

上詰責之十一月偕喀爾喀郡王品級車木楚克扎布
等以兵千往捕阿巴噶斯哈丹賊衆二十一年六

月授鑲藍旗蒙古副都統時回首波羅泥都霍集
占有異志定邊右副將軍兆惠察知之遣阿敏道
率索倫兵百及厄魯特兵三千赴葉爾羌哈什哈
爾撫諭且密飭擒致之閏九月至庫車回衆開城
不納阿敏道斬游騎四十餘圍之回衆詭告曰厄
魯特向係仇敵恐為所害若撤還即降阿敏道允
撤厄魯特兵入城止索倫百人從或慮危險阿敏
道荅曰我等招撫回衆惟期于

國家大事有濟何暇他慮遂為霍集占所羈二十二
年

諭霍集占送阿敏道還不從謀加害庫車伯克呼岱巴
爾氏以告阿敏道謀脫歸不克死之從者百人皆
遇害事

間

諭照陣亡例議卹加世職為騎都尉無一雲騎尉
賜祭葬入祀昭忠祠子彭蘇克燕丕爾襲世職



欽定八旗通志卷一百八十七

欽定四庫全書

史部

欽定八旗通志卷

一百八十八至
一百八十九

欽定四庫全書

欽定八旗通志卷一百八十八

人物志六十八

大臣傳五十四

蒙古正藍旗

阿濟拜

布爾哈

奇塔特徽爾貝畢立克圖

納延泰

唐喀祿

德福

蒙古鑲藍旗甘

都

彈錦

秦布

阿濟拜

阿濟拜蒙古正藍旗人先世居巴林姓卓特阿濟

拜初任佐領天命三年

太祖高皇帝取明撫順班師明總兵張承廕自廣寧襲我軍
後阿濟拜隨貝勒阿巴泰擊卻敵衆四年明總兵
杜松由撫順來犯界藩阿濟拜復隨貝勒擊敗之
七年從大兵征廣寧敗明兵於沙嶺天聰三年

太宗文皇帝征明燕京阿濟拜任叅領畧通州斬哨卒五
獲馬四進薄燕京同叅領鄂羅塞臣等擊敗明巡
撫袁崇煥兵九年

命同護軍統領布哈率八十人畧明邊境至寧遠擒七人

獲馬四十牛百餘還出邊六十里明兵千人追至布哈與戰沒於陣阿濟拜同巴圖魯哈談等還擊敗敵護所獲以歸分

賜有差叙功授騎都尉世職崇德六年隨鄭親王濟爾哈朗圍明錦州明年錦州既下以護軍統領鄂羅塞臣曾先破敵陣諸將隱其功並論罪阿濟拜應鞭責

上以諸將圍城日久勞苦有功皆免之順治元年四月大

兵入山海關敗流賊李自成阿濟拜署副都統為
後隊尋同都統伊拜剿賊山西至澤州連破賊營
十一月擢正藍旗蒙古副都統二年三月叙入關
功加一雲騎尉三年隨肅親王豪格征流賊張獻
忠過漢中同都統巴哈納擊走叛鎮賀珍進趨秦
州同尚書星訥擊敗賊將高汝礪獲馬羸百餘進
擊獻忠於西充與護軍統領阿爾津蘇拜連挫賊
衆五年叙功晉三等輕車都尉三遇

恩詔晉一等輕車都尉兼一雲騎尉九年八月以老疾
命解副都統任尋卒

賜祭葬如典禮謚忠勤立碑於墓以其弟鄂兌襲職

布爾哈圖

布爾哈圖蒙古喀喇沁人姓博爾濟吉特初為其
部貝勒天聰三年六月遣使納貢九月來朝十月

太宗文皇帝親統大軍征明以布爾哈圖前在喀喇沁時
曾往來明國習知關隘使為我師嚮導於是入明

邊攻克龍井關及洪山口大安口等城撫定羅文峪十一月大軍克遵化

上命貝勒杜度駐兵守之復

命布爾哈圖分駐羅文峪四年正月明副將丁啟明等率兵三千來犯布爾哈圖勒兵邀擊敵衆敗奔退歸營堡翼日進兵奪其堡奮擊大破之陣擒啟明及遊擊以下官三員斬獲無算

賜號岱達爾漢五年正月

詔以貝勒阿巴泰女妻之三月

上親征察哈爾布爾哈圖與土默特部貝勒等並率所屬
從征遇察哈爾叛逃蒙古刳土默特西蘭圖部下
人畜布爾哈圖追擊斬之足被創尋挈其所部人
戶來歸隸蒙古正藍旗崇德元年叙功予一等子
爵世襲罔替順治元年卒子班珠勒襲後遇

恩詔晉爵至一等伯

奇塔特徹爾貝

子鄂諾勒

奇塔特徹爾貝姓哈爾圖特初為察哈爾宰桑天聰六年

太宗文皇帝親征察哈爾其汗林丹聞大兵至驚遁所部皆潰散奇塔特徹爾貝別率四百戶駐哈屯河上遣使招之即渡河來歸

賜賚優厚隸正藍旗蒙古崇德元年予三等子爵三年九月隨大軍征明由青山口入邊越燕京畧山東四年三月凱旋以部下佐領額珠文等過三屯營時

取敵糧為敵所困額珠文及甲士一人從後一人
並遇害竒塔特徹爾貝未及援罰馬如例九月隨
大軍征明寧遠以火攻其城敵出城禦戰竒塔特徹
爾貝率所部擊卻之六年大軍圍錦州明總督洪
承疇集兵赴援營於松山西北我左翼三旗會擊
竒塔特徹爾貝率衆奮戰大捷既而敵以騎兵劫
我紅衣礮竒塔特徹爾貝移兵擊之潰旋復偕衆
破敵三營步兵七年叙功晉二等子順治元年隨

睿親王多爾袞入山海關擊敗流賊李自成追至
望都三年蘇尼特部騰機斯等叛奔喀爾喀奇塔
特徹爾貝隨豫親王多鐸往往征之行次英噶爾察
克山聞騰機斯在袞噶魯台星夜疾追獲其孥於
鄂克特山時喀爾喀部土謝圖汗以衆二萬拒大
軍於扎濟布拉克奇塔特徹爾貝率所部邀擊
追北三十餘里詰旦碩雷汗亦以二萬衆至奇塔
特徹爾貝復率兵擊之皆潰遁四年叙功晉一等

子九年遇

恩詔予世襲罔替十二年奉

敕往喀爾喀部宣

諭土謝圖汗車臣汗等以其遵

旨弗違誓辭還奏康熙三年四月卒

賜祭葬如例子鄂諾勒襲爵兼任佐領十八年以叅領隨

護軍統領莽吉圖征海賊鄭錦卒於軍

恩卹如例子索諾木襲爵

畢力克圖

畢力克圖姓博爾濟吉特世居科爾沁

太宗文皇帝時來歸隸蒙古正藍旗任豫親王多鐸護衛
隨征朝鮮及明錦州屢有斬獲順治元年隨豫親
王追剿流賊李自成於潼關明年定西安移師由
河南進拔揚州下江寧畢力克圖署護軍叅領所
至克敵有功四年授騎都尉世職六年擢正藍旗
蒙古副都統時大同總兵姜瓖叛畢力克圖奉

命率兵駐防平陽偕巴圖魯羅多渾勦太平縣賊遇賊黨
郭中傑引賊衆寇絳州擊敗之又敗賊騎千餘於
張湖村七年同西安協領根特等率師圍太平城
賊負固抗拒逾二旬不下乃因城壕掘地道燃火
藥以隳其城師入叛賊李建泰及賊黨俱伏誅八
年正月兼任禮部左侍郎屢遇

恩詔晉世職至一等輕車都尉十年四月調戶部左侍郎
十一年六月隨靖南將軍珠瑪喇征廣東時明桂

王朱由柳將李定國由廣西犯廣東據新會縣左
之山峪畢力克圖同護軍統領敦拜擊潰其衆復
與副都統鄂拜護軍統領賚塔攻其巢定國大敗
溺水死者無算乘勝追至興業縣遇其都督吳三
省總兵楊成王三才等率步兵千餘拒戰斬殺過
半進抵橫州定國渡江遠竄凱旋叙功晉爵三等
男十三年以員外郎朱世德司權河西務虧缺稅
銀戶部誤援

恩詔赦免部臣俱坐降革畢力克圖罷侍郎任降世職為
二等輕車都尉十七年雲南既平由榔竄緬甸定
國與其黨白文選等分駐孟艮木邦

上命內大臣公愛星阿為定西將軍畢力克圖署護軍統
領率師赴雲南同平西王吳三桂相機征剿十八
年十一月會師木邦定國先奔景線文選遁據錫箔
江濱聞我兵至毀橋遁畢力克圖與前鋒統領白
爾赫圖等先至江岸獲其謀者大軍結筏渡江越

十日次舊挽坡距緬城六十里緬人謀擒獻由柳
請大軍留駐以百人進蘭鳩江濱為扞衛于是白
爾赫圖率前鋒遙往畢力克圖率護軍二百隨其
後緬人以由柳獻乃旋軍時白文選為總兵馬寧
等追及于猛養率衆降畢力克圖撫其衆移入邊
境康熙三年叙功晉世職為一等輕車都尉兼一
雲騎尉八年擢正藍旗蒙古都統列議政大臣十
二年五月

詔以畢力克圖屢從征伐著有勞績加太子少師十四年
三月授平逆將軍時叛鎮王輔臣附逆藩吳三桂
作亂據平涼肆掠陝西郡邑

上命畢力克圖帥師駐大同尋延安綏德皆陷賊

諭進駐榆林畢力克圖既帥師移駐偵知賊衆三千餘屯
楊家店渡口乃分兵三隊乘夜疾進黎明鳴角渡
河賊不虞我師之至也悉驚駭潰竄遂復吳堡縣
城進師虎耳崖口遇賊衆復擊敗之偽遊擊黃文

英偽總兵朱龍俱遁綏德平進征延安賊將李士英等棄城遁畢力克圖令副都統覺和託率兵追擊至宜川俘斬無算自駐延安城招撫附近城邑保安安塞宜川延長安定諸縣皆復奉

命移師會揚威將軍哈密達征平涼將至王輔臣驅賊萬餘迎戰畢力克圖督兵合擊陣斬偽總兵郝天祥及賊衆無算距城數里駐營十五年

上遣大學士圖海為撫遠大將軍征平涼

命畢力克圖率所部前鋒赴寧夏統轄滿洲蒙古兵防剿
圖海至平涼王輔臣降畢力克圖還駐平涼十七
年移兵守隴州寶雞諸路賊倚仰天池高山為巢
畢力克圖進兵剿除招降靈臺華亭崇信等縣及
偽叅將李天秀等三十一員兵二千餘賊復據寶
雞縣之蟠龍山分三隊來犯又偽副將胡長腿據
顯義關山坡列陣距戰畢力克圖以兵兩路合擊大
敗賊衆十八年

上以畢力克圖出師日久年已衰邁

召還京先是圖海議分兵四路取漢中興安令畢力克圖
同提督孫思克恢復畧陽至是已進征圖海以奏

上命俟漢中興安恢復撤回畢力克圖先取成縣招降偽
副將王光生等十九員兵三百六十餘名會提督
趙良棟已復畧陽與將軍王進寶並定漢中圖海
亦定興安遂班師十九年還朝仍任都統二十年
六月卒年七十有三

予祭葬謚恪僖孫常遠襲職二十五年追叙陝西軍功晉二等男世襲

納延泰

納延泰蒙古正藍旗人姓薩爾都克雍正元年正月由理藩院筆帖式授主事四月遷員外郎三年遷郎中五年擢額外侍郎七年署太僕寺卿內閣學士九年授叅贊大臣

命赴北路軍營十年實授理藩院侍郎署鑲紅旗蒙古都

統時台吉策旺多爾濟等私易赴調兵兵多逃

詔納延泰選補缺額逃者嚴加治罪並將策旺多爾濟等
貽誤之由諭各扎薩克等知警尋

命選鄂爾多斯兵赴軍十一年同喀爾喀扎薩克圖汗等
議駐兵備邊十二月署工部侍郎兼理上駟院事
乾隆二年擢理藩院尚書鑲藍旗蒙古都統軍機
處行走尋加太子少保十六年充方畧館副總裁
二十一年

命赴北路軍營查辦軍務二十五年

諭曰成衮扎布以原任喀爾喀台吉旺沁多爾濟不往
軍前一事請示於部該部大臣等並未叅奏且召見
詢問時納延泰仍推諉巧辯甚屬非是著革去尚書
尋授理藩院侍郎仍管都統事二十七年正月患
病

遣醫診視尋卒

賞銀五百兩治喪五月奉

旨納延泰之子惠齡着加恩以部院主事用是月以納
延泰前在都統任內失察章京西寧等私用印文
冒領銀兩事發

諭曰鑲藍旗蒙古印務章京西寧等結黨營私冒領銀
兩種種作弊朕已降旨嚴審治罪矣但納延泰管
理此旗多年此等事件並未查出直如木偶前伊病故
時朕尚念其舊臣賞賜銀兩復加恩將伊子錄用主
事今西寧等種種弊端俱係納延泰管都統時全不

以公事為意自以為年老在世幾何不過搪塞完事而已甚屬不堪若伊本身現在朕必重治其罪今伊雖故未便仍留其都統職銜及瑩內碑碣着革去職銜作為庶人所有賞給立墳建碑等項俱着撤回併將所立碑碣撲毀五十三年

諭曰納延泰從前辦理鑲藍旗蒙古都統事務因未久協病故後追問其罪將伊職銜盡行革去但念納延泰効力行走多年現今伊子惠齡又屬効力行走着

施恩將納延泰原有職銜俱准開復惠齡現官巡撫

唐喀祿

唐喀祿蒙古正藍旗人姓他塔拉雍正十三年由
筆帖式授理藩院堂主事乾隆六年遷員外郎十
九年七月

賞給副都統銜赴北路軍營管理新降輝特台吉阿睦
爾撒納班珠爾等游牧二十年正月奏班珠爾屬
多老雅不能耕恐飢餒軍機大臣劾其冒瀆

諭曰班珠爾等投誠以來朕屢次施恩現距夏秋尚遠
果有必須接濟之處朕自加恩賞給何必預為陳請
前以唐喀祿尚能通曉蒙古言語是以賞給副都統
銜俾照管阿睦爾撒納等游牧乃一切未能盡心徒
事瑣屑著即撤回仍在員外郎上行走尋奏留同理游
牧之扎薩克林丕勤多爾濟

諭曰衆厄魯特俱隨大軍進剿游牧處復有何事唐喀
祿擅將將軍調遣之人不行發往甚屬可惡著該部

嚴察議奏尋議照溺職例革職得

旨唐喀祿不應僅予革職在家安居著交理藩院作為
筆帖式行走不必給與頂帶九月給還員外郎原職
命護送濟隆呼圖克圖由巴林赴伊犁十二月管理定
邊右副將軍薩喇爾游牧二十一年四月

諭曰北路軍營辦事之人員外郎唐喀祿尚諳蒙古事
務著賞副都統銜授為領隊大臣隨同哈達哈辦事

五月

命率駐防扎布堪兵一千隨大軍赴哈薩克索叛賊阿睦爾撒納七月賊固爾班和卓潛遁烏梁海唐喀祿報定邊右副將軍哈達哈馳剿擒之得

旨嘉獎授副都統

賜孔雀翎尋阿睦爾撒納黨達瓦藏布由額爾齊斯糾烏梁海博博等肆劫唐喀祿以兵五百授索倫總管鄂博什擒降其衆三百餘又洛會副都統舒赫德派兵赴額爾濟斯駐防閏九月

命駐科布多辦事十一月奏言科布多地近卡倫兵丁不敷差遣請於撤回大軍及臺站兵內酌留二百

名報

聞十二月授理藩院侍郎尋補鑲藍旗蒙古副都統二十二年二月奏言輝特降衆自遷至扎克賽地方自相劫掠且係阿睦爾撒納親屬請遷往呼倫貝爾齊齊哈爾等處又已勒濟得木齊亦願遷往察哈爾

詔如所請尋授叅贊大臣偕杜爾伯特汗策凌等堵剿
噶勒雜特賊衆三月奏言喀爾喀地方現有扎哈
沁特楞古特奇爾吉斯烏爾罕濟蘭人等約萬餘
日久難免滋事請將扎哈沁人移駐卡倫內特楞
吉特奇爾吉斯烏爾罕濟蘭人給東三省兵丁為
奴

上可其奏是月擒輝特逃賊策卜登多爾濟等

諭部議叙四月奏請移杜爾伯特游牧於烏蘭固木得

旨俞允並

獎其辦理妥協時西路大軍剿叛賊哈薩克錫喇

命唐喀祿以兵駐額爾齊斯為聲援會阿睦爾撒納自

哈薩克竄歸為西路軍所敗

諭偕喀爾喀郡王品級車木楚克扎布留心堵剿八月

奏言臣等辦理阿睦爾撒納所留種地之烏梁海

等處途次偵杜爾伯特貝勒巴圖博羅特台吉阿

喇善等潛與阿睦爾撒納通臣遣兵趨擒之于輝

巴朗山後並剿滅烏梁海五十餘戶現領兵赴塔爾巴哈台搜拿阿睦爾撒納及哈薩克錫喇

諭曰唐喀祿等和衷商辦甚合機宜著交部議叙并將御用荷包鼻烟壺加恩賞賜九月

諭曰據兆惠奏唐喀祿等咨報選兵三百名令瑚爾起進剿餘兵即行撤回唐喀祿等係特派擒剿哈薩克錫喇之人到塔爾巴哈台等處輒行撤兵殊屬乖謬著交部嚴加議處至唐喀祿等撤回兆惠已經具奏

而伊尚未奏到是又必自分彼此仍留北路具奏以致遲滯耳尋唐喀祿奏至言糧不敷馬乏已遵前

旨撤兵

諭曰朕屢諭伊等追擒哈薩克錫喇何嘗令其撤兵即有豫籌撤兵之語亦謂交辦事竣之後耳豈現諭擒賊而即令撤兵耶唐喀祿若但歸咎於口糧馬力將兵撤回不過交部議處乃竟以遵旨撤兵飾詞取巧僅予議處不足示懲著革侍郎副都統職降為監翎

侍衛交納穆扎爾差遣効力十月

諭曰據烏梁海人等告稱阿爾台以外逸賊頗多已諭
護送哈薩克來使之和碩齊詳細搜查著傳諭納穆
扎爾等派唐喀祿帶兵二百同侍衛二人赴彼處適
中之地駐劄一有信息即行接應唐喀祿係獲罪之
人今令効力自贖宜知奮勉十一月

命協剿巴哈曼集等賊衆尋以阿睦爾撒納竄俄羅斯
命偕和碩齊駐額爾齊斯等處偵禦二十三年正月

諭曰阿桂等奏稱和碩齊唐喀祿遵旨將哈薩克使臣送至邊界即前往額爾齊斯之和尼邁拉呼布空郭勒地方堵剿沙喇伯勒逋逃賊衆著傳諭伊等奮勉擒剿勿致兔脫三月定邊將軍兆惠奏土爾扈特舍稜等謀竄俄羅斯

命唐喀祿與和碩齊速往堵剿四月偵舍稜伏阿古爾哈爾海率兵追至布固圖河舍稜弟勞章扎卜被擒詭為兄乞降唐喀祿未信和碩齊遽縱之還越

日舍稜詭約降且獻酒和碩齊飲之浼唐喀祿造
其營賊忽譟唐喀祿及侍衛富錫爾穆倫保佛爾
慶額力戰均遇害和碩齊更衣降賊叅贊大臣阿
桂以

聞

諭曰唐喀祿雖一時被誘遇害尚能奮勇捐軀深可憫
惻著交部照陣亡副都統例議卹侍衛富錫爾穆倫
保佛爾慶額等亦著交部議卹俱給世職尋

命入祀昭忠祠給騎都尉世職子唐岱襲富錫爾佛爾
慶額滿洲鑲黃旗人穆倫保滿洲正白旗人均入
祀昭忠祠其子襲雲騎尉

德福

德福蒙古正藍旗人姓巴魯特乾隆十三年由前
鋒派往金川軍營十四年撤還授前鋒校二十年
從征達瓦齊二十三年隨將軍兆惠剿逆回霍集
占於葉爾羌師旋叙功

賞給雲騎尉世職二十六年授副前鋒叅領三十二年
赴雲南軍營

賜戴孔雀翎題補東川營叅將將軍明瑞擊賊于蠻結
猛育等處德福均在事有功遷騰越營副將三十
三年擢鶴麗鎮總兵三十四年偕侍衛巴朗克車
德等剿賊於猛戛賊酋苗溫等敗遁斬獲甚衆尋
隨大軍進攻老官屯賊據寨以死拒德福身先督
戰被創死之經畧傳恒以

聞

諭曰總兵德福身先士卒奮勇捐軀深為軫惻着入祀旌勇祠應得卹典該部察例具奏尋

賜祭葬如例並

命入祀昭忠祠子音德赫廕都司襲雲騎尉

甘都

甘都先世居葉赫遷巴林因以巴林為氏

太祖高皇帝時率子弟來歸授佐領隸鑲藍旗蒙古

太宗文皇帝天聰元年從征寧遠擊敗明兵於城址山岡
追逐至壕塹三年從征明攻克大安口敗敵玉田

縣

上親統師取遵化簡將士駐守甘都與烏明年大軍棄遵
化出邊甘都為殿擊敗追襲敵兵八年予三等輕
車都尉世職擢任兵部叅政崇德三年考滿晉世
職為二等輕車都尉尋以裁叅政改兵部理事官
隨貝勒岳託征明北京擊敗明總兵祖大壽及太

監高起潛等軍進趨山東攻克濟南府城明年春
師還取道蠡縣復克其城叙功晉一等輕車都尉
會佐領傳喀爭濟南先登功引甘都為証甘都坐
附和罰鍰五年從征瑚爾哈部有索倫兵五百據
掛拉爾屯甘都同承政索海理事官喀喀穆率兵
攻破其柵斬級二百生擒一百三十人以歸六年
大軍圍錦州明總督洪承疇列營松山屢以步騎
來犯甘都皆擊敗之恭順王孔有德之長史徐勝

芳為敵所困甘都突入陣援之出七年錦州下部
議諸將徇隱軍士失律罪甘都應罰鍰得

旨寬免仍叙功加一雲騎尉順治元年四月隨睿親王多

爾袞入山海關擊敗流賊李自成十二月隨豫親
王多鐸由河南征陝西屢敗自成賊衆遂克潼關
取西安二年五月移師征江南同都統恩格圖瑪
拉希等取宜興崑山二縣叙功晉三等男三年隨
端重親王博洛征浙江追剿明總兵方國安於黃

巖環城困之偵賊勢既蹙撤圍一面縱其出遁擊之賊皆潰城遂拔大軍進征福建甘都先衆攻克分水關追剿明唐王朱聿鍵於汀州招降漳州府及漳平縣五年

上命都統譚泰為征南大將軍討叛鎮金聲桓甘都署前鋒都統率兵赴江西遇

恩詔晉二等男尋以疾卒於軍子武山布襲爵

琿錦

琿錦姓薩爾圖世居敖漢部當

太宗文皇帝收服敖漢時琿錦隨衆來歸迷失路竄入明
錦州崇德六年大兵圍錦州琿錦同蒙古台吉諾
木齊武巴什等鮪城來降授騎都尉世職隸鑲藍
旗蒙古任叅領順治元年四月隨睿親王多爾袞
入山海關擊流賊李自成署副都統事督後隊兵
有功加一雲騎尉六月與都統覺羅巴哈納征山
東七月移師山西偽伯陳永福據太原琿錦單騎

畧城下城中兵突出琿錦擊敗之已而我軍攻克
太原城其屬五州十縣皆降以功

賚白金二年同都統都類剌自成於武昌追至九江口獲
賊船明年隨肅親王豪格征流賊張獻忠時叛鎮
賀珍擾漢中以步騎二千據雞頭關琿錦率右翼
兵隨貝勒尼堪擊敗之珍遁走追斬無算遂進征
四川同都統巴特瑪等屢擊敗獻忠拒戰賊衆獻
忠既滅移師涪州與護軍叅領希爾根擊賊表

韜於涪江西岸賊皆潰竄五年叙功晉三等輕車
都尉尋擢鑲藍旗蒙古副都統隨鄭親王濟爾哈
朗征湖南時明福王朱由榔將馬進忠王進才袁
宗第等盤踞寶慶沅州六年琿錦同前鋒統領努
山副都統拜音岱等攻克寶慶破其營遂征沅州
領本旗兵進擊於洪江斬其總兵二副將四兵二
千餘獲船九七年凱旋得

優賚三遇

恩詔晉一等輕車都尉兼一雲騎尉十五年隨信郡王多
尼征雲南朱由榔與其將李定國等敗竄永昌十
六年四月大軍克永昌渡潞江定國設伏磨盤山
我師既破其木柵琿錦同都統沙理布乘勝追擊
遇伏力戰歿於陣

賜祭葬如典禮謚曰壯勤兄子古錫襲職

秦布

秦布蒙古鑲藍旗人姓烏朗罕濟勒們世居喀爾

沁地方康熙二十三年襲其祖圖馬賴所遺二等
輕車都尉四十四年四月授叅領十一月授鑾儀
使五十九年遷滿洲鑲紅旗副都統雍正二年調
蒙古鑲紅旗副都統五年遷蒙古鑲藍旗都統七
年署正紅旗護軍統領八年授陝西西安將軍九
年七月疏言西安額設兵丁八千今戶口繁滋將
及四萬請於滿洲餘丁內選一千令其當差遇有
調遣處照馬兵例派往俟兵事告竣陸續裁汰從

之十三年五月奏涼州駐防兵二千名內請選精壯者二百為前鋒西寧一千名內選一百為前鋒滿洲八旗兩翼並分設協領一員蒙古八旗兩翼並合設協領一員滿洲每旗佐領並設一員蒙古佐領涼州則每旗分設一員西寧則兩旗合設一員其管理行文事件之筆帖式涼州設三員西寧設二員西寧副都統事務繁多應於協領內揀選一員協辦涼州將軍衙門照依西安例設二司其

將軍副都統印信二司關防協領條記請交部鑄給至官兵俸餉口糧等項照西安例支領軍機大臣議行乾隆元年正月奏請涼州西寧兩處添設步兵一千並請將西寧滿洲兵移駐莊浪四月請將西安兵四千改為烏鎗兵均得

旨先行三年三月奏言原例窩逃之地方人等處分甚嚴地方官亦有責任嗣因都統塞德奏准逃人在地方居住未及一年若不知情地方官並窩家俱

免議致兵丁跟役逃亡益甚請仍照原例嚴加議處下九卿議覆從之五年三月以年老休致八月西安將軍綽爾多劾秦布前在將軍任內違例徇情將兵丁錢糧撥給額外筆帖式部議革職八年八月卒

欽定八旗通志卷一百八十八